

[Faint, illegible text on a rectangular paper label at the top left corner of the book cover.]

V <sup>04</sup>  
2031

150.





Stb zu Nr 36 4139 <sup>an</sup> Stb Stb 1.18  
zu Stb, einstelle Stb







X

150





**Ein Vnderrichtung der Beichtkinder über  
die verbotenen bücher Doctoris  
Martini Luther.**



1521



1521 in Druck





Allen Christē mensche den disz büchle fürküpft  
wünsch ich Martinus Luther gnad vnd frid in  
Jesu Christo vnserm herzen.

**I**st für mich kommen/wie ettlichen Beycht-  
väter mit benüezet/das das arm volck mit of-  
fentlichen verpieten ir gemacht/wirt meiner  
biecher halbē/sonder auch in gottes gericht fal-  
len/vnd die gewissen auß zusehē/sich vermes-  
sen/des sy kein gewalt haben/so in mit mir ge-  
bürt/den die Absolution/so von inen begert wirt zu sprechen.  
Der halben/mich Christlicher trew sorg treybt/ratt vñ vnder-  
richtung zugeben/damit ich das mein thū/vnd niemant etwas  
schuldig bleyb/seiner selen zuhelffen. So das yemants veracht/  
der soll wissen/ich will an im für gott entschuldiget sein. Da-  
mit gott beuolhen. Amen.

¶ Zum ersten. So mein leer auß gott ist/wie dann mir nit ans-  
ders wissentlich ist/so muß man sich des erwegen/das sy von  
dem grossern tayl verdampt werd/sonderlich von den gaystli-  
chen Prelaten/vñ die wir hayssen/die gelerten. Wie es dan auch  
ergangen ist allen Propheten/Apostlen/vñ Christo selbs/als in  
Daniele c. xij. steet. Die boßhayt kumpt vñ den obusten/die da  
angesehen werden/als regiern sy das volck/der halben ich dise  
vermanung/thū mit yederman/den ich will niemant zu meinen  
biechern treyben noch laden/sondern nur denen/die ain gewissen  
haben/als sey mein leer recht/vnd doch sich die menige vñ höhe  
der widersprecher lassen krencken vnd bewegen wider jr güttes  
vnd schwaches gewissen zuthun.

¶ Zum andern. Wirt nun der beychtuatter yemant forschen/ob  
er meyne biechle hab oder les/vñ damit sein blödickeit anstossen  
Soll er im antwurten/mit demietigen worten also. Lieber herze  
ich bitt/wölt mich nit in strick vñ serlickeit treyben/ich bin nit  
kōmen zur beycht/das jr mich bestrieken/sonder lösen sollet/den  
die weyl in diser sach vil gelertes vnd grosser leute auff beyder.

L 2, 3589





seytē sich bemühen/vñ noch nichts entlich beschloffen ist/bin ich  
vñ jr selbs auch zū gering dz vñtail auff aynen ort zūstellē.

¶ Zum dritten/sag weytter so es nott ist. Lieber her: jr seyt ain  
Beychtuatter/vñ nit ain Stockmayster/mir gebürt zu beychtē  
was mich mein gewissen treybet/euch gebürt nit zūtreibē/euch  
gebürt nit zū forschen mein haimligkait/jr möchtet wol forsche  
wie vil ich pfenning im seckel hett/Schweyg ich ettwas das ich  
waiss/so steet die gfar bey mir/wz gat es euch an/gebt mir mein  
Absolutz/die jr mir schuldig seyt/vñ hadert jr dar nach mit Lu  
thern/Bapst/vñ mit welchem jr wölt/macht mir nit ainen ha  
der/disputation/vñ far auß dē hailigen Sacrament d' beycht/di  
ser handel gehört in die Schül/vñ nit in die beicht/ich will ant  
wurten/wa vñ wen es zeyt ist vñ diesen sachen zū antwurtē.

¶ Zum vierden/des selben gleyche bitt auch ich die Beychtuatter  
wöltē sich enthaltē/vñ nit in gotes gericht greyssen/dem allain  
die haimligkait der hertzen behalten sein/wie psal. vii. sagt. Er  
ist ain forscher der nieren vñ der hertzen/vñ sy solten got danckē  
das sy solches fer:heren forschens überhabē wāren/so sy nit mer  
den hörē vñ absoluiere schuldig sein. Es ist nit not das mā yemāt  
zwing zū öffnen sein gewissen/vnd wie man sagt. Niemandt sall  
zum glauben gezwungen/sonder mer berufft werdē/soll yemāt  
kōmen/got wirt in durch dein ruffen wol bewegen/bewegt er in  
nit/was magstu mit deinem treyben. Also hatt sant Paulus ge  
leret/man soll in söllichen fellen nit fragen/vmb der blōden ge  
wissen willē/dz mā sy nit verwer: vñ betrieb. j. Cor. 8. et Ro. 14.

¶ Zum fünfften. Wa der Beychuatter nit ablassen wölt/vñ die  
Bulle vorhielt/soll er sagen also. Lieber vatter/die Bull ist nit  
geachtet vñ vilen frummen leüttē/so wisset jr/wie des Pabsts  
vñtail pflegen zū wancken/heüt setz er ettwas/morgen zerstört  
er es wider/darumb will ich nit von euch auff ain sölliche sandt  
vnd wancken getriben sein/das ich heüt ettwas bekē/morgen  
verleigne/vñ mich also ainen wint hyn/den andern her schlahē  
lass/ich bin nit schuldig auff söllich wanckē vñ ungewissen han  
del eich zūfolgen/gebt mir mein Absolutz/die ist mir gewiss/vñ  
last die sach zuuor auch gewiss werdē/als dan treibt mich drauf.

A u



¶ Zum Sechsten. Wa er noch nit wölt ablassen / wolt ich im  
sein absolutz lassen / vnd ee vō im geen / als vō dem / der sich mit  
Lucifer anmast / über sein stand vnd ampt in gottes gericht zu  
fallen / vnd haymlichkeit der hertzen zūforsche / des er nit gewalt  
hat / vñ soll sich nichts darumb bekümmern. Wa der mensch nit  
absoluiert / da absoluiert got. Zū gleych / als wen die tauff vñ dz  
Sacrament des altars yemand von dem Prieſter bitte / vnd ers  
nit geben wölt / hett sein glaub vnd begird doch gnüg dar vō ent  
pfangen / also / ob der beichuatter nit wölt absoluiieren / soll doch  
er frölich vñ sicher sein der absolutz / die weyl er gebeycht / vñ sy  
begeret / vñ gesücht hat / in solchem fall muß mā den beychtuat  
ter achten / als ain rauber vnd dieb / der da vns nimpt vñd vor  
halt das vnser / vñd wir mügen vnns frölich rümen / wir seyen  
absoluiert von gott / auch das sacrament dar auff empfaheñ on  
alles schewen.

¶ Zum Siebenden. Wa aber mütige / vnd starcke gewissen seyn  
die die warhait versteen vnd bekennen dürffen / ist nit nott mein  
ratt / sy werdens selbs wissen wie sy sich halten sollen / doch will  
ich übrigs fleiß atich sagen mein maynung. Wen sy dem Stock  
mayster oder treyber in der beycht bekennen / daß sy die verpottē  
bücher haben / oder nit haben / vnd er nit absoluiieren will / sy ver  
sprechen dan / nimmer zū haben vnd lesen sollichebücher / soll er  
sagen. Lieber her: absoluieret mich auff mein gfar / ich will die  
bücher nit lassen / den ich sünd wider mein gewissen. Nun solt  
jr mich nit treyben wider mein gewissen / wie jr selbs wißt / oder  
wissen sollent. Paulus Ro. xiiij.

¶ Zum Achten. Will er nit / vnd treybt dich mit der Bullen / so  
soll mā den spruch sant Peters Actū. iij. dar haltē / Man muß  
gott mer gehoꝛsam sein / dan dem menschen / vnd wen schon alle  
welt mit dem Papst vñ Bullen hielte / die weyl sy so klärlich das  
Euangelium vñ glauben verdäpt / soll man jr nit gehoꝛsam sein  
ja sy verbrennen vnd vertilgen / angesehen das exempel Christi /  
welchen auch alle welt verfolgen / doch er darumb nit vnrecht  
hätte / so ist Luthers leer noch nit überwundē / daß sy falsch sey /  
vnd bißher nür mit gewalt angegriffen.



¶ Zum Neunden. Will er nit absoluiere/ so laß ers / vnd geb er  
rechenschaft am jungsten tag / seines versagten ampts vnd be-  
raupten Sacraments / den ers ist schuldig gewesen / vnd soll sich  
das selbig beycht kundt nit mer vmb die absolution bekümmern /  
vñ auff solche gethane beycht vñ gesuchte absolution / frey zum  
Sacrament geen. Er ist vor gott gewislich absoluiert / vñ muß  
den raub seiner absolution gedultig vñ frölich leyden / wie er lei-  
den muß aynen leyplichen raub. Die Sacrament mag man vns  
nemen / versagen / vnd verbieten / aber die krafft vnd gnad der sa-  
crament / müssen sy vns vngewunden vñ vngedömen lassen. Got  
hatt nit in irē gewalt vnd mit willen / sonder in vnsern glauben  
gestellet / vnser haxl vnd sein gnad / wie er sagt. Glaubt nür daß  
irs empfahet was ir bittet / so habt irs gewis. Mar. xj.

¶ Zum Zehenden. Will aber auch der Priester das Sacrament  
des altars dir versagen / als dem / der nit absoluiert sey / soll man  
aber demütig bittē / daß er jms gebe / dan man muß gegen dē teuf-  
fel vnd seinen wercken allzeyt mit demüt handeln / vnd doch ain  
trutzigen glauben behaltē. Vnd weñ das nit will helffen. so laß  
faren Sacrament / altar / pfaffen / vñnd kirchen / den das götlich  
wort in der Bullen verdampft / ist mer dan alle ding / welchs die  
seel nit mag entberen / mag aber wol des Sacraments entberen.  
So wirt dich der recht bischoff Christus selber speysen gaistlich  
mit demselben Sacrament. Laß dirs nit selzam sein / ob du das  
selb jar nit zum Sacrament gast / es ist dein schuldt nit / du wöl-  
test gern / vnd würst verhindert / vnd des deinen beraubt / vñ der  
Kirchen gebott soll dich nit anfechtē. Die weyl sy dich da mit trei-  
ben wider gotes wort / vnd dein gewissen / wider welches kein ge-  
bott gemacht mag werden noch besteen / wen es schon gemacht  
ist / wie sy all selbs leren.

¶ Zum Aylfften. Darumb hüt dich / vñ laß ye kein ding so groß  
sein auff erden / ob es auch engel vom hymel weren / das dich wid  
dein gewissen trib von der leer / die du götlich erkennst vñ achtest.  
Sant Paulus sagt Gall. j. Weñ ain engel vō hymel anders sagt  
dan das Euangelium / solt er verpantet werdē. Du bist nit der erst  
wirst auch nit allayn / noch der lest sein / der vmb gottes worts



willen verfolget wirt. Christus sagt. Sälig seyt ir/so ir verfolget werden/vmb der gerechticfayt willen. Item/ir müisset von allen menschen gehasset werden/vmb meinen willen. Item/es wirt die zeyt kommen/das so sy eüch verfolgen werden/maynen sy thün got ain dienst dar an. Solchē spruch müssen ir fassen/vñ vns da mit stercken/ja gott dancken/loben/vnd bitten/das wir würdig werdē/vmb seins worts willen zu leyden. Gedencf/das verkündigt ist/wie zū den zeyten des Endcrift/niemāt predigen dar/vñ werdē all wie die verpanten geacht/die gotes wort redē oder hören/das gett yetz/vnd hatt lenger dan .c. jar gangen.

¶ Zum Zwölfften. Wo aber mā würd dungen auff etlicher Prelaten außgangen zedel/darinnen verboten sein allerlay lasterbücher vñnd schmachbrieffe/soll man dar innen auff s aller demiezigst gehorsam sein/dan wer gottes wort erkennet vnd glaubt/dem werden die lasterbüchle vñnd schmachbrieff nimmer wol gefallen/vnd in Kayserlichē rechten/solch tibelheter den kopff verwirckt habē/mit allē den die sy lesen/hören/vñ behaltē. Dar vñ bitt ich auch/dieweyl hyrinnen kein güts gewissen mag gehabt werden/yderman wölt sich vor solchen büchern/als vor tödtlicher gifft hüten vnd fliehen. Daren aber soll vñ mag niemant meine büchle zeyhen noch zelē/dan dz haysset ain schmachbüch oder famos libel/wie es auch Kayserliche recht selbs beütē dar innen mit namen yemandt in sonderhayt geschmecht wirt an seinen eeren/vñ der schreyber seynennamen nit anzaygt/will nit zūrecht steen/sürcht das liecht/will doch schaden in finster nuß than haben/pfeyset haymlich wie ain vergiffte schlang/  
Als Salomon sagt.

¶ Nun hab ich meinen namen in allen meinen büchern anzaygt öffentlich/vnd am tag frey gehandelt/mich zū Recht erboten/vnd noch erbiere. Vnd wiewol ich des Papsts Regiment antast doch sein person nie angerürt/noch irgent ains Prelaten noch andern/auch niemāts in sonderhayt haymlich laster/sonder öffentliche gemayne gebrechen beschryen/wie das ainem Prediger gebürt/vñ alle Prophetē than haben/wen das solten schmachbücher haissen/so müst man kein laster mer in dē volck straffen/vñ



wird das Euangelium vnd die ganz haylig geschriff auch als  
lasterbüch gehayssen/darinnen so vil vñ harte straff d laster ge  
schriben sein. Nun ist's war/es gan layder vil laster bücher ir an  
namen vnd titel/die man billich verbeit vnd verbieten soll/dan  
sy sein mit allayn wider die Cristlich liebe/sonder auch wider die  
natürlick en gesetz.

¶ Zum Dreyzehenden/vnd am end/bitt ich alle Prelaten vnd  
Beychtuatter/wollen sich/wie gesagt/finden lassen/vnd nach  
dem hayligen Euangelio/das volck nit mit gewalt stürmmen/  
sond freuntlich vñ sanft regiern vñ vñd weisen/ire gewissen nit  
treiben noch martern/welchs ain teuffels werck ist/auff daß sy  
nit ain vrsach bewege züfragē/wa her sy den gewalt haben/vñ  
wa die haymliche beycht her kum̄/dar auß dan ain auffrührer  
folgen möcht/der in züschwar wurd/dan ob wol solche beycht  
das allerhailfamst dinc̄ ist/waist man doch wol/wie der pöltz  
auff dem ermel stat/darumb nott sein will/dass solch haylsams  
dinc̄/nit durch freuel/sturm̄/gewalt der Regenten anheb zerr  
rütt werden. Man laß sich das exempel bewegen. Wie vil dings  
wår da hynden bliben/wo der Bapst vnd die seinen hetten on  
sturm vñ freuel mit mir gehandelt/vnd wie sy nimmer herwis  
der bringen mügen/was sy verlor̄n habē/damit ich ainen yeder  
man gewarnet/vnd vor sturm vnd gewalt gebeten haben will.  
Es ist stürmmen an sein end kommen/sehent eüch für vñ seyent  
weyß. Gott geb vns allen sein gnad. A M E N.




Faint, illegible text, likely bleed-through from the reverse side of the page. The text is arranged in approximately 20 horizontal lines, though the characters are too light and blurry to be transcribed accurately. Some faint markings and a small dark spot are visible on the page.














Pon. Vg 2037

(X 16105.68)


~~Rom~~

43.









33

Ein Vnderrichtung der Beichtkinder über  
die verbotenen bücher Doctoris  
Adartini Luther.



1521



1521 in Jany

